

talis *Mattei* neapolitani. Admiror doctrinam, eruditionem reconditam atque ardorem *Katancsichii* in illustranda historia ac lingua illyrica. *Sumsich* insignis poeta illyricus passim celebratur. *Pasquich* professor et scriptor Matheseos celebre reddidit in Europa suum nomen.

Stephanus *STRATIMIROVICS* archiepiscopus carlovicziensis multiplici doctrina sacra et civili insignis, qui græcam, latinam, germanicam ac illyricam callet; qui collegium pro alumniis fundavit; qui stipendia constituit miseris juvenibus educandis; quo consulto multa utilia invecata sunt, et diversa noxia præjudicia eradicata. Stephanus *Avakumovics* episcopus temesvariensis multa eruditione, prudentia civili, ac linguarum peritia excellens, atque Viennæ ad excelsam regiam hungaricam *Cancellariam* a consiliis aulicis. Dionysius *Popovics* episcopus Budæ multis scriptis clarus. *Lustrina* archimandrita edidit grammaticam italicam. *Raits* valde benemeritus de patria historia. Athanasius *Stojkovics* pluribus libris omnis doctrinæ ac eruditionis genere refertis, præsertim Physica atque epistolis editis inclaruit. Insuper florent in Slavoniâ P. *Velikanovics* orator ac poeta, qui comœdias patrio sermone summa cum laude in lucem protulit. *Turkovics* Essekini parochus, poeta insignis. P. Marianus *Lanossovics*
de